

10. Sollen solche diener der Kir- Pag. 108:
 chen verordnet werden/ die es den vori-
 gen nicht allein in der Lehr: Sondern
 auch im Leben vorthun.

Dieser Rath kan den Calvinisten nimmermehr fehlen. Dann es sene ein rechtschaffener Lutherischer Prediger / so gelehret / so from / vnd Gottsfürchtig / so untadelich im Leben / als er immer wolle / So muß er doch den Calvinisten ein ungelertter Esel / ein grober Vbiquitist sein: Vnd denselben ein anderer grober Bachant / der Calvinisch ist / wann er gleich nicht congruè latine reden / Sondern nur weiblich die Luthertische Lehr durch die Hechel ziehen kan / weit weit fürgezogen / vnd Fürsten vnd Hern als ein miraculum naturæ oder sonderer Aufbund commendirt werden. In summa wenn er nur für ein Calvinisten sich außgibt / so muß er für gelertter vnd heiliger gehalten werden / als alle Lutherische Lehrer vnd Prediger auff einen Hauffen.

N B N wolan solche Calvinische Reformation mag fürgenommen werden / wo / wann vnd wie lange es der Liebe G D T T verhängen vnd zulassen wird :

T ij

Wir